

不匱室詩鈔

上海圖書館藏

溫州府 國 公 館

不匱室詩鈔卷五

番禺胡漢民展堂甫



十疊韻贈董卿并簡大厶

舒舒瑤圃愛深枝  
閉戶虞卿著述知  
廉吏可為猶未老  
故人與處共昌詩  
不嫌沮洳堪垂釣  
何處清疏好看棋  
婦起唾蛛君定醉  
攢眉蓮社戲相期

楊廉夫與婦飯婦起勸我酒壽我歲千百仰唾天上蛛誓作酒中魄

大厶十疊樓韻集荆文句見贈甚工因摭取荆文

詩閒下己意聊當效顰七疊

豫想新詩獨倚樓

送程公闕豫想新詩能寄我

不妨風日澹如秋

送和

甫春風落張南周北人難遇酬龔深甫二云幾時周宅

日澹如秋張南周北人難遇對漳南蓋用張融周顒劉

繪故事當時有張南川觀巖居士尚憂五次韻酬朱昌叔

更何憂本蔡紫磨但看雲外月回撓紫磨月輪升皎朱

澤說范睢語紫磨但看雲外月皎帝青雲幕卷寥寥朱

鉛豈見世間愁醪醪金沙二花合發嵇生鍛竈心尤苦

次酬朱昌叔四云未是窮鄉暫可留謂窮鄉可久留

長臨鍛竈真自苦未是窮鄉暫可留謂窮鄉可久留

大序錄集曹諸什八疊樓韻題後

刻意裁為五鳳樓更將繁露說春秋老成謀國尚如許

年少有人同此憂客去不聞三日宿詩成且遣一春愁

江湖到處能相忘枳棘無多未許留

九疊樓韻簡州草堂

溫

吟到江南第幾樓三年都感士防秋飛書馳檄枚臬用  
懷土思鄉王祭憂行路已知梅有態澍江那為客消愁  
不緣寂寞尋幽賞怕負詩盟更一留

寄顯十疊樓韻

不堪歌嘯在吾樓悵憶衡雲去歲秋三月春窮寧獨醉  
一時民病孰分憂別離未是平生意詩句終成肺腑愁  
望望脊令難寄語江南獨有客相留

一時或作九州

十一疊枝韻贈玉甫

貪光誰惜護簷枝後村葺居貪明蘭執當門苦自知一

物蔽虧元有病卅年功罪不關詩少陵只是懷長鏡介

甫何曾悔誤棊荆公戲贈葉致遠有悔誤乃批頰句諷諧恣肆純學昌黎後人乃言其棊品不

高真癡人前不能說夢也勿忘久要文字債平原十日政相期

### 聞玉甫已歸滬十二疊寄贈

小園桃李亦同枝淮海江城子恰似小園別館春寒意桃與李雖同處不同枝

許知有客正尋游俠傳羨君猶記少年詩詞心淮海兩

孤本玉甫以所詳校宋本兩國手隨州一局棋後村讀種淮海長短句見贈

機警如看國手棊便欲移情親絕藝散原贈玉甫滬居人間錯移情絕藝驚河漢

### 向竹林期

### 失題十三疊

溫

關心桃李別來枝分與江湖去權知茗雪難忘留畫本  
滄浪可濯聽歌詩抗懷莫便輕餘子着手無須問細棊  
亦有冶城三畝地寄聲仍未定歸期

荆文汜水寄和甫已卜冶城三畝地寄聲知我有  
歸期

### 其二十四疊

揀盡疎桐掛月枝孤棲未定亦何知莊生宜作衆狙傳  
吏部方吟雙鳥詩過市有人狂戴盞後漢逢  
萌事爛柯無客  
樂觀棊三年京國徒多事咫尺龍髯負所期

### 連誦董卿惠詩十五疊枝韻和之

藥裏關心到眼枝故交難得況新知重言不惜日相慰

應敵皆知胸有詩老去遭回惟舊學靜觀得失剩圍碁  
行窩任向邵家傲擊壤元豐本素期荆公元豐行擊壤至老歌元豐

鶴亭集曹碑詠開元天寶遺事甚工十六疊枝韻

為和

重樓花萼喜連枝全盛開元邈可知海外未聞方士去  
水邊先有麗人詩劇憐一夜長生殿誰亂三郎半局碁  
抗志未能從廣受千秋懸鑑最忠期杜哀張公九齡詩敢志二疏歸

其二十七疊

從來謀國怕強枝錢賜驕兒君未知慰寂廣平疑有賦  
倚裝太白醉成詩煩哇如穢誰呼鼓動靜無方士悟碁

溫



最恨風流傳亞子興亡俱暴故難期

東吳翼如默君游京口及焦山歸示近作十八疊

仙巖綠染幾千枝得佇青門好事知風雨不愁高閣夢

默君有風雨  
嘯高閣句

登臨喜和故人詩依依京口三年別

京口驛亭分  
首已三年

渺渺湘東一目棊

山谷棊詩有湘  
東一目之句

欲弄扁

舟真未晚卻煩同客問歸期

鶴亭分詠小樓花果十九疊枝韻賦謝

名園未乞最佳枝學圃無能亦我知坐起瞻烏緣愛屋

醉搖屈筆各為詩情深不盡花間語律細如尋譜上棊

窮巷栖遲車馬少相依晨夕見交期

又和二十疊

無力應嘲卧晚枝夏畦曾病故人知豈如安石休居日

徧和寒山拾得詩作計未栽千箇竹劍南春晚有懷歸已栽千箇竹

消閑猶置一枰碁經時覽物情何異荆公同陳伯通錢

物悲歡異見說登臨亦負期

董卿九疊韻索書即答 二十一疊

坐看牆花不動枝晝長無事墨池知多時鼎鼎非能者

造次揄揚愧子詩豈有誠懸堪正字倘無重霸可持碁

東吳逸氣人間識一扇仁風是早期杜送顧八分文學韓蔡同鼎鼎又揄

揚非造次北夢瑣言安重霸召富民鄧生侍碁而故苦之或諷之曰此侯本不為碁云云杜題張旭草書嗚呼

退

東吳精逸氣感先識鶴亭先允  
乞董卿為我書扇故有末句

和董卿十一疊懷舊之什 二十二疊

竹影分窓又幾枝遠崖雲度不曾知誰將洛下香林句

壓倒蘇州宴寢詩肱折自憐人善病管窺難與客言棊

十年未到西湖路要辦青鞋踐約期

清香陳簡齋香林四詠壓倒韋郎燕寢詩民六年湖上句淡裝濃抹君都好布襪青鞋我敢辭

戲答口木老人 二十三疊

梢雲歷歷見雛枝臣叔非癡世早知道阻忽然勞遠望

眼明復此見新詩禽歸有口猶銜木人老無心輒鬪棊

翰墨場中伏波健少游款段漫相期

後村句翰墨場中老伏波

得遐庵兩和二十四疊韻再答

舊夢依依南國枝  
逃虛寧喜足音知  
豈無積毀堪銷骨  
尚獲閑情與和詩  
自古文章關治亂  
隨時憂樂到琴基  
窮源倘贈支機石

來詩有窮源詎有支機贈句

萬里乘風慣有期

二十五疊答大兄

遶屋扶疏夏日枝  
客來叩戶主人知  
交深未覺詞為累  
睡少翻疑祟有詩  
聞道生涯猶作畫  
向來殘局若為基  
子雲投閣齊東語  
載酒還應日日期

誠齋和蕭伯和韻睡去恐遭詩作祟

默君歸自維揚承和詩并惠食品二十六疊枝韻

退

飲

為謝

鷓鴣聲過江上枝綠楊城郭舊曾知人間月色原無價  
林下風流最愛詩莫道消愁惟有酒敢誇著句已如碁

盤飧點綴歸時賜絕勝鵝毛千里期東坡以揚州土物寄少游點綴盤飧

亦時欲又且同千里寄鵝毛

遺大凡茅臺酒戲勝以詩二十七疊

醉酒曾歌三匝枝茅臺舊釀宋人知幸非烏有先生傳  
宜博大安居士詩暫許不謀蘇子婦可能便對遠公碁

黔州以後黃雙井渴愛江清韻更期別有一瓶曾小開試昨詢僕人則已

罄矣山谷以酒渴愛江清作五小詩在崇寧二年將赴宜州時

一木二十八九疊

一木空言厦可枝六州為鑄錯難知頭風剛遇孔璋檄  
瘧疾還歌子美詩誰敢筵前真舞劍不虞局外竟翻棊  
乘桴魯叟非無意營窟齊人倘有期

不為桃根與柳枝

借後村句

狂吟唯恐負親知禪宗亦有當

頭棒時相何勞歇後詩蕉鹿蟻槐同是夢蛛絲蝸甲豈

成棊

山谷棊詩心似蛛絲游  
碧落身如蝸甲化枯枝

人間處處巉巖遇

東坡阻風人間

何處不

行役番番坎巽期

陶詩坎巽難與期

落花三十疊

櫻桃落盡晚春枝金谷樓危客意知濁水清波曾有恨

温

谷風陰雨可無詩寂寥此際紅崖蜜邂逅何人白玉棊

義山詠蜂紅壁寂寥崖蜜盡搜神記有人入南谷山見  
二少年臨池奕棊置白玉棊局見騎馬者拍手負局而  
走不是流鶯怕傳語那令歸櫂悵愆期

和鶴亭董卿詠六朝枯三十一疊

此是江南最老枝了無曲處蟄龍知似聞風雨傷其節  
難得清流壯以詩瘦地蟠根寧礙石重陰留客更宜棊  
九皋鳴鶴聲相和千歲神蛟笑作期

題鶴亭寫經圖二首

聲山有舊圖遇之心悵惻慈雲在高堂忌諱不敢得豈  
知蓼莪詩一朝廢君側乾坤多憂虞造化亦叵測惟此

孤人子於道最不直恨欲排天闔悲還訴帝釋一日一  
寫經母爲兒太息一歲一繪圖兒想母顏色匪曰效前  
賢終身懷母德

開君兩三卷我淚先漣沔情至故相感心苦難爲詩誓  
欲從親死童子昔無知鮮民含百孽橫復九州馳豈無  
空王懺日月悔已遲人壽不滿百失母將奚依當戶浮  
雲翔出戶飄風吹哀哀四十年早爲無母兒

和鶴亭六朝石三十二疊枝韻

高碧巖扉有謫枝齊梁舊夢此君知誰其聽者生公法  
我代言馬白傅詩錦散行雲曾入坐歌殘玉樹未收棊



退之犖确微山徑八代豪華本不期義山利州江潭作

胡震亨注言龍銜珠為燈而散鱗錦以交引海賦鮫室雲錦散文沙汭

答董卿十六疊見贈並懷大厰 三十三疊

傳觴何事折花枝康節行窩舊日知喚作主人元是客  
借劍南句如斯良夜可論詩未聞隔座桓伊唱更愧東山謝  
傳基居士不來豈無馬東阡南陌苦招期

鶴亭屬題查聲山寫經圖次山陽胡天放原韻

雲霞到眼明老為侍從臣富貴不須早氣奪中貴人我  
知查翰林終始孝子身儒墨雖道異忠孝惟愚真父兮  
夢歷歷母兮誨諄諄存歿將何從停佇皆苦辛

已識圖者苦更愛詠者頻交臂倏十年寤寐通精誠懺

禮為吾親摹繪思前人神明還舊觀於佛亦有因潛溪

須三世我友豈其倫慈航以不匱大海無迷津聲山致

身富貴何須早到眼雲霞倍覺明又時有中貴人氣餒甚盛查遇之不加禮廣孫華題詩翻笑潛從法緣薄三

生才得了殘經謂金華宋文憲三世寫成法華經

大厂歸自滬偕少炯仙根見過 三十四疊

空桑猶有寄生枝嘉木潛移歲得知怪子遲來還欲去

喜予多病未疏詩談玄詎惜揚雄酒消夏姑從李遠棊

一局成虧殊貫見為言金石證心期

送大厂 三十五疊

退

葛藟從來庇本枝  
臨分無語兩心知  
不思何處能忘酒  
但冀後時多寄詩  
卓犖與觀三易義  
沈吟未了一枰碁  
雙清池館詞心在  
可待鄜州杜老期

大厰既行三十六疊寄之

世事純常等折枝  
有懷寧靳俗人知  
向愁斫地輸君酒  
幾擬拏天悍我詩  
越石朝來應起舞  
劍南老去尚饒碁  
此身要定歸何許  
萬首新吟取次期

劍南句老衰對奕怯饒先

荔枝三十七疊寄大厰

歸去南雲啖荔枝  
日長三百子瞻知  
如何比似江瑤柱  
又且評論山谷詩  
名士有時闕真賞  
世人無怪戀殘碁

不圖室詩金 卷五  
已聞好事徵題早可是珠江競渡期

如皋杜鵑盤供最佳開花至五六月近從鶴翁假

置案頭三十八疊枝韻為謝

近向如皋假一枝子規啼罷客行知千山開處難為別  
五寶妝成始索詩愛汝獨承天上露問誰能悟橘中棊  
人間優種從何得培護慇懃歲歲期

三十九疊枝韻題鶴亭話荔圖

閩譜巴圖別有枝情深愛儷國工知幾年白髮思親淚  
一騎紅塵感事詩便與拈花同證果何須畫紙更為棊

嶺南第二家鄉在杜老東樓未足期

山谷次韻任道食荔枝有感白髮永

退

無懷橘日六年  
怙悵荔枝紅  
杜老宴戎州東樓  
輕紅擘荔枝  
山谷句唯有杜老東樓詩

讀巢經巢集四十疊寄大厰并東鶴亭

巢經憂憂苦栖枝  
豪到無痕未易知  
漢宋千年休聚訟

西南數子始言詩  
獨憐終歲攜長鏡  
猶為他人救敗棊

大句由來真氣出  
此心久與古賢期  
子尹句向來豪氣

授荔波縣訓導都勻苗叛犯縣蔣令嘉穀病不省人乃  
蒞軍政擊賊破圍追奔蔣病漸起解兵柄謂蔣曰還若  
城吾可潔身去矣遂告歸

四十一疊題鶴亭所藏新莽始建國二年宜子孫

竟

符瑞何來梓柱枝  
莽傳頒符命四十二篇其德祥篇言  
高祖考王伯墓門梓柱生枝葉事

九朝三七事堪知又云德祥發于漢巧鑄建國多恩字

鏡銘云唯始建國二年新早誦宜民受祿詩莽傳元年公卿大夫

家尊詔書數下大多思民宜人受祿于天威命詩曰宜大好頭顱堪對鏡無多

骨肉苦爭棊荆文詩冶城子爭道拒父乃如輒二千年

物論成毀銅爵荒荒又一期

大厶別後數疊見和四十二疊寄答

道難達本且隨枝真照無邊說似知天祿要收揚子學

廣陵祇效退之詩強顏不欲因人語清坐聊堪與子棊

臨水登山千萬思未應惆悵負歸期

荆文寓言一高語不敢出鄙詞強顏酬奕棊呈貢甫清坐尚可與君棊

退

大凡居士二十五疊枝韻紹介潔廬主人詩四十

三疊作答

東游昔日遇神枝拊髀何因告弗知乍喜昌黎能薦士

更聞鴻慶早工詩三年未有爭墩句一局曾親賭墅碁

暫動還休誰共釣依然沮如戒輕期大凡原唱尚見當年同志詩潔廬第

二首還休暫動與君期

大凡居士以夫人病齒簡詩告諸友四十四疊枝

韻答慰

客憐予輩已詞枝俯仰隨人事未知肝膽百年許偕老

齒牙萬首病多詩論經詎苦生疎字留燭不愁身世基

試誦香粳杜陵句出房親饌喜如期

閩詩人某君語鶴亭頗以數十疊韻為累元遺  
山句俯仰隨人亦可憐放翁閑意學經妻問生  
疎字後村偶賦村飲婦常留燭待耕仕一首  
林間身世似持棊少陵病後遇王倚飲遣人向  
市賒香粳喚婦出房親自饌

車螯一首東鶴亭用梅宛陵泰州王學士寄車螯

蛤蜊韻

疾齋饋我螯致自其鄉郡謂宜續歐梅持以當佳醞索  
詩子善謀戒飲予慚分炙鮮亦同嗜故事欲窮問當其  
吐氣時海天白日暈含漿豈自憂遇火遽如忿藥疾侈  
功能食餘苦除拚物惡埋泥沙人恥逐塵空游蕩恣所

退



如盍服金陵訓

宛陵永叔請賦車螯王都有美醞北物足當對又翰林文章宗炙鮮尤所愛歐陽初食車螯含漿不肯吐得火遽已呀荆文車螯尚恐獨者得泥沙常埋湮又云豁然縱所如游蕩四海滑  
四十五疊枝韻答潔廬見贈并寄大厰

鳳池誰奪碧梧枝作計偏教吏隱知應笑病中猶獨醉  
未聞愁絕少新詩世途冷眼朱丹轂時事關心黑白棊  
再索冬青湖上譜長母相忘視前期

放翁初夏幽居病猶獨醉雖堪笑又新秋新詩愁絕少成篇大厰三十六疊句嘗譜冬青耐凍枝

鶴翁辱和車螯詞至深美因再和作

宋廷重車螯歲詔徵海郡昌黎誇南食未得佐嘉醞歐

補遺室詩金 卷五  
梅陋北人猶慚致非分慷慨王荆文翻然作天問萬象  
有幾微知風因月暈嗜美既衆同報施寧獨忿終見醫  
門收何辭席前拚含匿祇自苦濯暴宜無全俗蔽不足  
論浮海懷孔訓

附鶴翁作

石華期不來饞想永嘉郡茲螯產下邑風味足佐  
醞歐梅大手筆藻飾非過分將母同蛤蚧此語吾  
欲問傳聞海天夜噓氣月爲暈時流但肉食寃結  
真懷忿遽令璀璨姿一夕前席拚得漿口誠爽棄  
殼氣亦全有功不見論荆文有明訓

退

欣

四十六疊贈鶴翁長君元美

欣然慰疾見瓊枝長夏相娛此意知  
競說郎君能跨竈更言阿弟已工詩  
使還當有萬言策示暇姑承數子基  
暫與林間忘身世疎簾清簟日為期

歐公送前巫山宰吳殿丞喜見瓊枝慰病翁第  
三句借劉後村贈鍾丞父子句荆公戲贈葉致  
遠或外示閑暇後村句林間身世似持碁

鶴亭默君入闈試士四十七疊枝韻賦贈

清目新篇珊網枝鴻都地廣避喧知戰場漫與東坡說  
幕次將徵介甫詩未信綳兒能奪錦旋看得子在塵碁  
明珠如月難無類刀筆刑名故不期

荆文崇政殿詳定幕次偶題地廣還同避世喧  
劉孝標辨命論明月之珠不能無類荆文寓言  
八始就詩賦科雕鐫久始成一朝復棄之刀筆事  
刑名

試士一首次王荆文讀進士試卷韻

子瞻訟當時致君須讀律子雲悔少作自壯毋玩物取  
士故多方孰能免訶咄九品號得人尤使寒門屈無類  
教弗先有生氣終鬱強聒豈經綸相忘惟道術勿謂帝  
所難賢豪非閒出

荆文送孫康叔赴御史府古人喜經綸萬事慙強  
聒

從草堂得居士詩簡四十八疊寄答

啄木聲聞老木枝歸根喜有草堂知好籌當暑消炎策

退

仍課瑀肝鏤腎詩比巧豈真同戲奕隨緣且可道羸棊  
廿年我憶觀君獵敢以方山相擬期

居士簡云暑健能吟詠乎樂究如何歸根艸艸報  
我宛陵答韓氏兄弟見贈述詩句以巧比戲奕  
荆文詠棊且可隨緣道我羸

潔廬連日有二十三四疊韻見贈四十九疊為  
答

舊雨嚶求好鳥枝新篇尤喜得先知不窮多舛緣何事  
宿齒新材愈有詩莫謂項莊能舞劍或疑介甫未工棊  
分違猶作往來相記取他時愛見期

荆文公關枉道見過獲聞新詩新篇楚老得先知  
遜齋閑覽云荆公贈葉致遠有垂成中斷之句

是知公基不甚高  
來相而生愛見悲  
投閣人疑安石不工基

東坡和王撫軍送客莫作往五六兩句或作我信子雲未

答



不匱室詩鈔卷五終

溫

不匱室詩鈔卷六

番禺胡漢民展堂甫

讀王荆文集

十日五日一風雨龍骨雖乾麥有秋再使元豐歌擊壤  
先生自笑得無愁

一川漲綠濃於草度燄扶輿仔細誇解道培芳衛岑寂  
幽人不老亦如花

遠屋寒流漱益清贖魚喂鳥豈無情扶疏三百誇高茂

不爲鵝雛爲易成

示元度詩不爲鵝雛實但取易成就  
是苟美苟完之意然已不能無病矣

謫宦相依見友情微雲消散滓塵清修門共頌皇明邁

那有南山怨刺聲

何琬盡上荆公與呂望之  
酬酢數詩以為諷刺交作

東郭朝尋到游亭衆山含怨水丁寧我知臨路愛山好

山怕相忘欲我停

安步輜輶定有期幸於湯熨小停時吾廬可樂無熒聽

何必寒山擬舊詩

積李崇桃春未闌臨流何事復長歎斑然伏獸知人意

承宇陰陰俯有蘭

念客方違過我廬汲泉山下煮園蔬脩然人境無獮獺

況有仁心忍釣魚

紫芝曄曄避秦風出處惟知禮是從失去二生來四皓

退



悅

犯顏未許叔孫通

新城苦未愜歸心桓氏何知有碎金跼躡久留畏年少

五陵飛鞚得追尋

游上山示蔡天啟詩詠謝太傅久留畏年少收結數語則荆公自道也

邂逅逢源肝膽輸因稱韓愈俠非儒歐蘇攬盡梅黃秀

若論憐才恐不如

適性勞神道兩歧揚雄韋曜舊嘗譏冶城何至相爭道

操具投江亦所宜

道人留聽北山謠護法無能且自嘲豈有長松甘受穢

早知紅鶴不堪招

白鶴吟示覺海元公原跋謂為逐講僧行詳留覺海而作然云長松受穢

死乃以紅鶴故則此舉何晚耶

朝簪倦後鳥知還，曠弩風高客未閒。幾欲寄書無雁去，

江南猶說買青山。

鄱水滔天氣澤寬，立朝風節古來難。了知行義有歸處，

始謂波瀾堪縱觀。贈彭器資詩文章浩渺是波瀾行義迢迢有歸處李注言器資公早所厚

晚立朝風節彌劭無所左右

娉婷千蓋擁荷花，枕簟風來日未斜。獨念陂農心望澤，

看雲倚木不停車。

憑風欲寄嶺頭雲，晴雨何曾為我分。卻笑定林林下客，

一枝筇杖傲人羣。

蒙莊曾不怨虛舟，墮瓦因風豈自由。此際呶呶非勝義，

退

欣

哀渠只合勸真修

謂循東路復西還  
跂石緣危事等閒  
未得秦淮與搖漾

有人無語立鍾山

巨魚暖去壯夫愁  
虎豢龍馴亦少留  
問魯東門悲底事

人間元有稻粱謀

新城舊埭緬遺恩  
點檢蒼苔屐齒痕  
最感聞笳垂涕事

可能全占謝公墩

不應王衍勝商君  
此語當年豈樂聞  
未有小兒能辦賊

可憐絲竹已紛紛

晏殊惡歐九作  
鬧即其一也

長安誰識擇鄰難  
陸渭南集跋温公居家雜儀云王元  
澤答客曰大人之意乃欲與司馬十

二丈卜鄰以其修身齊家事事足為子弟法也新城楊氏據此謂元澤亦恪遵父教決無如邵氏見聞錄所云

愛禮成仇更所歎已謗先生臣虜服又言公子婦人冠

漢宮圖畫自年年胡地春深更可憐要識正言常若反

至今難忘是哀絃劉辰翁評明妃曲漢恩自淺胡自深

弁之怨同情可云卓識觀其於下即續以可憐青塚已

燕沒尚有哀絃留至今則語意甚顯范冲對高宗僅摘

此語遂謂心背君父蓋極端文致之耳虎圖偶擬杜陵詩想見歐梅斂手時虎圖詩李注介甫

文人分題介甫先成眾服其敏妙永叔乃斂手或曰此

體杜甫畫鵲行耳大抵前輩多模取古人意以紓急解

紛方信并州天下望韓持國從富并州辟詩并州天下

何便山牆野壁亦無譏詩前錄後亦與韓無涉似語邵氏

輕韓

退

之是也

懷王墮馬賈生悲目論常於際遇疑為說此心欺不得

滔滔絳灌更何知

良即事三哭死非為生吾心不欺此語亦前人所無

放身千仞意難齊下視塵居孰蔽虧為有至懷迷所稅

依依神闕在朝暉

題永昭陵神闕淡朝暉又表云想龍駕於空衢莫知所稅

斡地排天一草廬壯顏毅色古來無醜妍千萬雕鏤廢

笑煞微之識珣玞

筋骸惟慮學人拘疾雨橫風攢刺如撫拾南軒輕下筆

新安忘卻過庭書

吳長文新得魯公壞碑坐使學士勞骸筋墨莊漫錄荆公書飄飄不凡世

謂之橫風疾雨宛陵得介甫常州書字如瘦棘攢黑刺晦翁題荆公帖言先君子自少好荆公書贊歎再三及

况

題韓公帖乃引張南軒語詆諆不已

車輪隨處憐芳草波浪生涯笑白鷗南望春江綠如酒

爭教華髮不生愁

耨奸不慮藏身固除疾須嚴愜意餘公自寓言人造謗

遂成囚垢說詩書烘強詩已觀細點無所容未放老奸終不墮疥詩方其愜心時更自無可

患竊謂古人詩文之精潔蓋無逾荆公者其性情必不如辨姦論所云以此二詩遂成口實耳

悟彼栖栖自有辭翻然攬轡欲從誰肺肝幾絕形骸外

未必無人共此悲

浸淫穴柱萬蚍蜉日飲無何客以愀不管丹青顏色好

登堂先為主人謀

溫

似

嗷嗷誰謂我心憂一夜頻驚眾亦仇從古偷安誤人國

不鳴終為雁奴羞

同昌叔賦雁奴云頻驚莫我捕顧謂奴不直又云偷安與受給自古有亡

國

旁圍靡靡山無力遠出泠泠水有心稱意人閒寧易得

委身天地始從今

過劉貢甫云稱意人間寧易得示平甫弟云付與天地從今始

饑走荒山舌可捫小狙雖苦大狙尊不知匿智方成俗

猶笑他人食棗昏

良交那忍棄殘缺內訟要須勤補磨我信先生非執拗

責躬常比責人多

美玉云大賢小玷缺良交豈其絕又不補亦不磨人為奈爾何感事云內

訟敢不勤同憂在僚友

詩賦雕鐫久始成又從刀筆事刑名百年終復崇經義  
當日無如有黨爭

但計英雄入彀中百端揉斲歎才窮李唐更與朱明較

歸罪鴻都恐未公未和云山林盡百巧揉斲無良材讀進士試卷云安知鴻都事竟用程人

物

貸錢傾粟助之生探本為謀義自明一事青苗難放過

翻疑無意挫兼并程伊川言青苗一事放過何害荆公寓言詩為探本之論語意至顯而李

注謂公詩常云俗儒不知變兼并無可摧而此詩復以挫兼并為非蓋就末二句後世不務此區區挫兼并言

何止固哉高叟

救弊難辭萬謗傷勞心養譽衆旁皇歌詩獨念茶山賦

退



况

有術何曾挾管商

酬王彦叔奉使江東訪茶利害見寄云區區欲救弊萬謗不容口又勞心

適有罪養譽終天醜又余知茶山民不必生皆厚攷略云公之惓惓民事若恫瘝切身何後之攻新法者必曰挾管商之術亦曾於公詩文稍一寓目耶沈氏補注亦云言茶山之民不必皆富恐徵求無措則逆料於弛禁之先可云明識

術窮推子父如何就海收鹽政已苛更使百年專一壑

貧民餓死富民歌

今時鹽制人以就場徵稅為善惟中山先生嘗云若為民生則鹽不當稅

承商更無論矣

患留西北歲乘邊朝野勞勞望息肩賣劍買牛非易事

省兵議未附時賢

荆公雖不及對省兵亦不和文龐當日議論也

際遇豐熙曠代無金陵全未怨羈孤如何曲解君難託

論世翻輸李雁湖

李注君難託一首甚確而沈氏肌測羅織自形其謬

神泉高穴與雲平不作笙鏞悅耳聲何事青山捫蝨坐

人人都道是門生

攀翻誰與寄情親自信文章老更醇南北風塵嫌累志

交游猶笑黨頻頻

聞唱旂亭轉不怡少年有句悔難追平生直節元無負

祇是高才太自奇

華藏院此君亭詩云人憐直節生來瘦自許高材老更剛高齋詩話公晚

年與平甫坐亭上視詩牌曰少時作此題榜一傳不可追改

痛愛黃州五字詩峯多礙日有微詞亦知水遠山尤遠

且遣江流擁涕洟

荆公擊節東坡自黃州北遷峯多爭礙日水遠欲浮天句謂老夫生平未

温

欣

有余則酷愛荆公江  
擁涕洟流入海七字

唐人聲律盛當時不廢高岑應制詩湖上春風曾再賦

披香寧竊柳家詞

芥隱筆記謂荆公於歐公坐上再賦而字韻以是見疾於老泉荆公句春

風垂虹亭一杯湖上持即而字韻索荆公詩才素敏如  
題虎圖先成歐陽閣筆亦一證西清詩話謂和御製賞

花釣魚詩傳至介甫日將夕矣亟欲奏御得披香殿未  
有對因鄭獬語對以太液池翌日都下咸傳王舍人竊

柳詞云云  
非事實也

荒陂渺渺日騎驢問字鍾山興未孤南渡不知儒術貴

但傳蘄國在西湖

荆公鍾山騎驢圖李伯時所畫俞秀  
老挾字說隨後東坡和詩所謂騎驢

渺渺入荒陂想見  
先生未病時也

獨尋芳草說歸時十載相從恨已遲嘉祐本無辨姦論

金陵數見唱酬詩

荆公北山詩緩尋芳草得歸遲東坡和云從公已覺十年遲宋本嘉祐集

無辨  
姦論

今人未可非商鞅後世誰能事左車堯舜致君寧有術

不妨舉國厭迂疏

詠商鞅張良韓信賈生諸詩俱別有感慨惟於孟子云何妨舉世嫌迂闊

故有斯人慰寂寥則素志也故嘗云他日若能追孟子

冥冥深樹遮紅藥淑淑游儵出綠蘋又是看人過江日

鍾山咫尺未埋雲

客子留連怪屢遭據梧杖策亦同勞五湖春草知何似

為道故山松已高

江湖魚樂已相忘何事遮要話玉堂絡首猶存人漸老

温

欣

此身原自愛桐鄉

交親第一重斯才獨自登臨意更哀亦有招提數行墨

何曾梁木感風摧

題雲祠詩李注云臨川李子經謂屬逢源恐非攷略云雲固未必有祠即

題祠何必詳注在實公塔院題已可疑豈謂登臨處飄然獨往來尤不合父子悼亡語則李子經謂屬逢源必有所據案詩意與寄逢源思逢源諸作甚近而荆公平日與諸弟及諸女詩皆見性情有分際并證以題永慶壁雲遺墨一絕尤覺攷畧所訂為當

定肯低頭東野秀不聞抗手玉川奇斂情約性非容易

力挽唐風入宋詩

荆公兼學韓孟其傾倒廣陵無異退之於東野惟廣陵時有近玉川子

者荆公無之豈不為耶石林詩話謂荆公少以意氣自許不復更為含蓄為羣牧判官從宋以道盡假唐人詩集博觀而約取晚年始盡深婉不迫之趣毋逢辰序謂公之詩非宋人之詩乃宋詩之唐者案公近體尤見此

意

耕深石撓獨行歌絕壑凌雲奈爾何詩到蘇黃猶未盡

嘔心應比錦囊多

逢源南山之田贈介甫耕之深兮石撓吾未思逢源一杞梓豫章蟠絕壑

騏驎裏跨浮雲嘗謂逢源乃宋之昌谷同一嘔心為詩而風會迥異李盡於詞王盡於意王似尤難

龍文虎脊接風騷積抱為工格自高詎是書生辭賦氣

故將嚴整敵韓豪

劉辰翁謂讀坡集喜而屢和然節度嚴整未足當韓豪也又云公詩律甚

嚴得意亦少及其拙也有書生詞賦之氣案公近體工於隸事而風韻不減和詩不定勝東坡而節度嚴整正

足救弊劉氏始非公論

豈因相業累詩名洛蜀非公世尚憑七八百年門戶廢

今人不諱學金陵

荆文學術文章並為洛蜀黨徒所疾視元遺山已有諱學金陵之歎而楊

溫

升庵王漁洋輩猶恣情拈擊一若  
不如是不足當斯文之正宗者

苦雨讀杜老秋雨歎感其詞意因次王荆文久雨

韻

天哭霽霽涕滿空四海八荒呼其龍  
大隄潰失后土汚魚頭赤子居無宮  
木始生耳船入市掛席詎適南巷翁  
後時馨香忘不得堂上三嗅猶臨風

宛陵秋雨篇天公哭霽霽洒涕落九州

再用前韻

苦熱已欲逃虛空苦潦又見魚為龍  
不知百姓坐何罪白日弗照渚其宮  
城樓逐宿人畏豕山頭哺子婦懟翁

千戈黯黯盛陰氣腐儒力說東南風

杜詩千戈盛陰氣未必自陽台程伊川謂風從東南無兩風從西北則雨東南陽也西北陰也

題曹纘蘅移居圖次原韻

移家恰是古城東棊樂相娛此坐中抱甕荷鋤後村事

求田問舍半山同上居獨念瀼西樂選勝羣疑冀北空

羨子頭銜拋不得已兼詩客與園翁

後村即事抱甕荷鋤非鄙事荆文詩屢反昭烈語意如云無人語與劉玄德問舍求田意最高少陵上居春耕破瀼西東坡和道源歸去方知冀北空後村即事目為詩客不勝慙喚作園翁定自堪

董卿和試士詩有穀中馭世語復次韻廣之

緊古振奇士所鄉惡程律恥游昇穀中肯備藥籠物科

退



舉二千年寶鼎以瓠咄權能剖至人卓立乃不屈謂德  
無差池謂才有蕙鬱明試本至公陳修惟其術舉以役  
於人亦曰為時出

書梓材既勤敷菑惟其陳修

### 五十疊枝韻寄大尸居士問疾

常如越鳥在南枝示疾維摩問訊知豈以縱橫今致病  
不逢襜褕盍言詩安心定許為良藥窘局馬妨鬪巧棊  
努力加餐望吾子啖瓜如棗恥安期

荆文句飄若越鳥北心常在南枝杜詩人今罷病  
虎縱橫晉程曉詩可憐襜褕子觸熱生病根一作  
戴熱至人家韓持國句分明四坐鬪巧奕

棲霞山題名二

徐鉉 徐錯

斯邕而後孰工書小學功臣數二徐春換江南知幾代

銀鉤留跡故無如

騎省懷古六言江南異代長春又寄問方判官田書記銀鉤踪跡更無如

王旁

恰是熙寧侍疾時長君名字至今疑誰知日暮歸巖下

已有梅花香雪詩

一作誰知老輩誇難弟早有梅花香雪詩

按旁為荆公次子正字公曾題其詩謂俞秀老一見稱賞其句云日暮欲歸巖下宿為貪香雪故來

遲

温

飲

雨止適得董卿和詩三用前韻

電眸虎齒聲摩空江淮十日驕鼉龍天吳移山可作地  
宣防不塞胡為宮遂止勿太亦有愿憂魚思楫昌黎翁  
詩人為誦天悔過盡埽晦昧來清風

昌黎秋雨聯句憂魚思舟楫又庶幾諧我願遂止  
無已太 謁衡嶽陰氣晦昧無清風

三用荆文試進士韻簡答董卿

馬上得天下未除挾書律羣經置博士二京盛文物舉  
士一途拘高論千載咄聖門用詞賦衙官命宋屈草野  
既皇皇巖穴尤鬱鬱上宜崇治道下豈遺藝術古或不  
如今有言肆之出

大凡有寄用后山次東坡韻依韻奉答二首

良夜月皎皎不願生微雲獨居思惜惜何可無此君飛  
轍就夷塗薄酒猶盈樽韓子亦有言為文俟其醺老矣  
疏鑿手終焉刺繡紋豈予經綸誤而以詰屈聞胡為困

藥石漸欲忘朝昏往提四海水試洗一尺渾原題再次韻蘇公

昌黎秋懷詰屈避語穿誠齋定林即荆公讀書處詩經綸枉被周公誤相罷歸來始讀書

有懷誰為言寄詩復如訴平生二三子不茹亦不吐愧

無叔子仁嫌被元規污把酒相與閑他憂始此付荆文示平

甫豈無他憂能老我付之天地始從今語奇欲破膽志逸不踰度雖為諸

侯客未悔儒冠誤歐識梅丈窮謾云以詩故書畫與金

退

似

石何非濟勝具乃悟冠蓋場不如清涼賦他時與君棊

黑白任權數

原題次韻蘇公勸酒與詩

荆文奕棊呈貢父清坐尚可與君棊昌黎送靈師圍棊鬪黑白生死隨機權

讀王荆文集補作十首

仰屋平生感獨殊功名猶足累居諸詩人若識低徊意

敢謂休官始讀書

未厭庸兒日問儒

王逢源寄黃任道益厭庸兒妄問儒

畫墁獵較且為徒

交親尚勸乘桴去

逢源寄介甫終見乘桴去滄海

何事先輕范大夫

匈奴臂斷戢諸羌舊代聯功在廟堂積弱已開南渡局

幾人爭說棄河湟

一月千江體不分丁寧招喚卻嫌頻獨尋芳草歸來晚  
猶與龜魚作主人

以人代畜古無聞一語莊嚴見性仁縱有筍輿宜老者

何如小蹇載閑身冷齋夜話荆公居蔣山時時往來白下門西庵小堂法雲寺止以一蹇挾

蹇驢門人乘間諷筍輿宜老者公曰古之王公至不道未嘗以人代畜

心無所住今猶昔流轉成塵色即空公是昌黎真法乳

謗禪排道不須同借后山送劉主簿句

進退平生各有懷山林獨往世偏猜呂誨劾論荆公云先帝臨朝則有山

林獨往冷然度水穿雲句政自中書治事來中書即事

之思岡頭路度水穿雲取次行

退

欣

疾惡無因恨太嚴清光何處隱毫纖只欣此際浮雲盡

窟穴從渠養兔蟾

詠月此時只欲浮雲盡窟穴何妨有兔蟾李注謂此見公包容小人之意

按詠宰詔云但願君王誅宰詔不愁宮裏有西施當亦此意

岡巒著處昏難辨牆塹隨行曲可憎休怨暮雲多薄倖

楊誠齋句暮雲薄倖斜陽劣

楚山曾上最高層

登飛雲峯不畏浮雲遮望眼自緣身在最

高層杜牧之句明朝楚山上莫上最高層

自有耨耰自力操幾時園地長蓬蒿可因斂退傷前猛

始道求田問舍高

昌黎秋懷斂退就新儒趨迎悼前猛

次韻集王廣陵句答庚白

不得吾心自合歸

奉寄崔伯易

東西終日竟何依孤雲只應胡

蝶還相識從光師卻看楊花自在飛滄常得民愚猶是

幸和洪與靜於人事益知非日春扶搖不起滄溟遠紙欲

撥儉人未發機靡靡

四用荆文試士韻簡草堂諸友

好士如好詩所貴聲為律頗愛王荆文往往言有物豈

無衣鉢緣獨為雕鐫咄變制久未能抗議終不屈乃知

賢者心與俗殊忻鬱煌煌進士科蕩蕩齊民術雷雨倘

非時白袍徒跣出荆文寓言八始成就詩賦科雕鐫久才成

不匱室詩鈔卷六終

退



不匱室詩鈔卷七

番禺胡漢民展堂甫

五用荆文試士韻寄大尸

叔孫起朝儀蕭何定漢律二生掉頭去三代失舊物魏  
其徒沾沾長平奚咄咄孰為李豸母使劉蕡屈刈楚  
喻良材破竹快清鬱沒階可復趨投博究無術賢有見  
獵心高論不敢出

義山句卻羨卞和雙剛足一生無復沒階趨  
谷句懸博在投不在德共談試事居士戲言若  
有篆刻倚聲兩科亦欲一試故末句及之

六用荆文試士韻簡翼如

不圖室言金 卷一  
日月有恒軌坤乾無定律獨陰道不生亢龍悔其物弧  
矢占何祥蛇虺夢自咄三綱漢儒倡百世婦道屈惟恃  
非常原足散九幽鬱照以平等觀異於霸者術同官好  
盡心濟濟一時出

呈散原老人

萍水文三我中表南行曾爲誦君詩大談高睨嗟馬往  
願學忘年幸未遲斷岸有雲通窸窣故鄉何地忍瘡痍  
篇章祇欲攄孤憤糠粃猶疑有所私

答大厂居士次王廣陵寄介甫韻

幾同王祭懷吾土誰是田文問客家雖未應真聊自適

溫

悅

不思返旆亦何嗟雲消嶺上人多喜星出東方眾尚譁

喧雀且堪當暮急泔魚豈悔昔年差荆文我所思寄黃

適已昌黎李花無由返旆羲和車 荆文與呂望之上

東嶺俯仰多可喜又云微雲會消散昌黎醉後煌煌東

鶴亭閣中有見夢三章即次第一首韻賦答

我常入君夢知君最相憶君勞茲過我不以六月息何

意灑東西至忘城南北車乘畏良朋喬木思故國時趨

暫苦勉能事輒促迫商畧雖萬千差違在咫尺斯道終

不渝斯意奚由塞悠悠行路人翻怪苦悽惻

寄木蘭再用鶴亭閣中韻

卅年半出門骨肉成遠憶惟汝常從我憂病得蘇息汝

生無弟昆我行無南北未能讀寶書何事適異國綵衣

覓方勤老杜宗武生日休覓綵衣輕芳蓀繡已迫杜別李義小聞汝

舉一雄賀書頓盈尺謂為善者報且占道通塞遲汝攜

幼歸臨流毋歎惻荆文寄蔡氏女子遲汝歸兮攜幼又望超然之白雲臨清流而長歎

末韻或作生女定遜男吾意轉歎惻

### 次董卿淹卧一首韻

年時梳沐愛清晨折簡催詩意益親亦信杜陵能治瘡

偶規坡老又如神行歌漸覺吾廬隘腐爵何妨霸業申

衡霍未遙應拊髀也容因病得閑身

退

三用鶴亭闌中韻簡草堂并寄大厶

從我有不忘去我有深憶江湖水已多辛勤問消息誰  
謂越鳥身棲遲常在北高丘本無女何者為樂國幽憂  
指自佳稱辭怨且迫器敬戒含滿尋枉譏直尺如何等  
薰蕕因疾鼻可塞行藏知有時相望猶惻惻

五十一疊枝韻酬纒蕙

瑶舟幾訊白門枝所得還應較所知愛子出塵雙井句  
笑予多癖半山詩但聞鎖院添酬唱何處耕巖有奕棋  
傳是新來商畧苦西風回雁可如期

纒蕙見贈有石笥荆文有篤嗜句鶴亭謂其所作  
力摹山谷又方編今傳是樓詩話

奉酬大凡居士言志之什四用鶴亭閣中韻

獵較時未能抱關事堪憶念彼勤役多愧茲微倦息豈  
無風自南勝於山有北落落去何鄉延延憂在國棊槩  
欲相娛甕牖嗟日迫子徒畏簡書誰與正衡尺何況巨  
浸成皇計夷途塞食薇不願餘使我中心惻

悼組庵先生

此身真付五禽師達者何知識在詩諸葛自稱仍謹慎  
汾陽所得是聾癡平生部曲應流涕餘事文章亦映時  
惟有典型隨歲改弓髯攀託慰無期

寄鶴亭廬山五用其閣中韻

退

挾伴游名山快踐平生憶天公故世情風雨瞬亦息便  
從澗東西徧踏山南北李白死千年誰歟王此國我疑  
散原翁短兵詫相迫老鶴聲九皋元龍卧百尺惡詩一  
時洗魂氣四山寨有客不能從佇望徒悵惻

組庵先生國葬有日既賦師期韻追悼意有未盡  
復成此章六用鶴亭闡中韻

逝者無與招成事難去憶英賢日淪謝草澤未休息君  
才兼文武譽卓流南北中間苦驅馳晚惟憂黨國遇物  
自有容憐我情多迫果哉忍須臾詎能施寸尺遺澤矢  
不忘後死責誰塞何堪臨大江揮淚意慘惻

劍南觀孫太古畫英

惠王像尺寸未施讒已衆老  
杜句揮淚臨大江天高意悽惻

大厶寄示潔廬賀余得外孫詩依韻賦答

幾人同說有孫枝雙鬢蒼然四海知宅相倘徵杜陵句

杜句宅相關山猶憶木蘭詩此時凡目驚傳夢東坡賀

榮親戚孫舉家傳吉夢他日香囊待賭棊且道無官於事足篋

殊相驚凡目筆情至時復援

中慚愧故交期杜詩篋中有舊鶴亭函述散原老人詩評有荆公襟抱絕俗故其

偉畧高識涵納掩蔽於文字之表語賦此誌所感

七用鶴亭闡中韻

丈夫志萬年細故當不憶閑氣爭古先借宛陵永微鑿

退如



初胎息論詩泥唐宋如書衙南北未嘗遇散原何能語  
荆國杜韓力雕鏤盧孟與追迫一心絕塵埃萬材入刀  
尺相業故難知羣謗因莫塞歐梅同罪廢遺山語可惻  
大凡居士阻雨潦不果來京情見於詩八用前韻

寄懷

平子賦四愁憂時若有憶伯鸞成五噫忤物去可息昂  
昂易居士不南亦不北啜醜辭醉鄉振衣出裸國清絃  
聲似孤哀曲柱仍迫奈何風雨中水深泥數尺意本無  
町畦事豈增抑塞畏塗此未戒沈陸彼堪惻

得鶴亭廬山寄詩最感其越澗過俄羅斯人家一

首九用闡中韻和之

何人語香爐風塵始相憶龍瀑得奇句虎迹容假息  
邂逅山中人遷流從極北不敢道姓名那復思宗國  
百年世事異九載生計迫共煮麻三升不盡榘一尺  
黶黶憂黎元兵氣尚偏塞我知仁者心匪爲行役惻

附原作

廬山寄呈展公

鶴亭

積雨阻山行叩關尋海客殷勤出家釀擅絕香味  
色自言來廬山裘葛九更易殘年萬有空待盡巾  
已飾又言此中人

山中俄人僑居者凡十一家

雖涅不改白蓬

退

人諱姓名矧肯道官職問君九年中可復思故國  
君聞色忽變戒我說不得親朋誅戮盡雁至誰繫  
帛寧無斷爛報掩耳謝消息生當為餓死當為  
怨魄因君起酒悲吾老尚行役

鶴亭寫寄廬山遠公塔詩索和即次原韻

匡廬佳處不自私往有大句輒得之李白蘇黃昔未到  
邱壑尚足為人師雲來欲奪登降地月出喜繡江湖姿  
千年瞻拜遠公塔龍象奕奕心尤儀義熙結徒獨名社  
幾復政恐同其悲彭澤縣令招不至臨川內史去莫追  
士於其間別靜躁法非有意為嗔癡不然聖凡俱可度

客兒況早誇白眉什師與公故相望弘教乃在姚興時  
平塗積峽茲豈絕生天成佛所不疑擬借塔鈴荅君語  
我儕好古生已遲

鶴亭夜歸蘆林有滿衫松影月為繡句又詠黃龍  
潭天將雲奪地風挾水成雷原作云迎陶拒謝定  
何意瑣所生子殊不癡情無取舍斯佛法有酒曷  
不同攢眉康樂廬山詩積峽忽復啟平塗俄已絕

和大厰痛極之中秋 十用前韻

新朔雖已更舊節能勿憶一月有圓蝕萬人共興息吾  
道豈其南大患真在北蛟龍失常馭蛇豕食上國沈艾  
靡有功煎豆日惟迫我亡脣及齒敵得寸更尺民巖詎  
無畏天破曰可塞當時養兔蟾荆文太仁惻

溫

欣

荆文詠月云此時只顧浮雲盡窟穴何妨有兔蟾  
又君看出沒非無意豈為辛勤養玉蟾

附原作

痛極之中秋呈展公金陵

大厂

世無謝將軍望月切空憶禦寇謂大哉君子忍終  
息淫潦淪西南冤糶瘞東北號呼非真誠何以更  
為國患早心腹中禍果眉睫迫門竟揖盜開地莫  
非有尺廢節眼曷明衰年向已塞今宵蝕前圓可  
以使愴惻

由京至滬答大厂見贈並寄鶴亭

十一疊憶韻

握手相見歡回首相違憶離合非尋常誠至兩不息爾

不置...詩少...

不園室言金 卷七  
時文字飲酣極話南北憂患不自矜惇惇惟念國裘葛  
瞬再更災稷橫相迫下視唯與阿其間豈能尺道罔故  
吾慙事期衆望塞持此報故人我心交忻惻

哭湘翁

忽爾家居去高棟豈徒吾黨失良朋渡河未暝宗留守  
憂國終傷杜少陵拯我於危知最苦跡君行事概難能  
結廬桐柏平生語淚溼江雲痛不勝

次韻答無量

雨過能爲數日陰飛鴻唳別不教沈茱萸已把人猶客  
首宿難乾士有心且喜庭柯將月上未知原野閱秋深

溫

乖厓何事思諸葛慷慨先聞蜀國吟

答懺盒見和十二疊憶韻

十二年前事回頭盡可憶海上又逢君相對惟太息君  
去海之南我行塞以北寶玉歸神姦孰惠此中國討賊  
幸功成鬪牆復憂迫至道何嘗遠論思咫尺細冀曲  
學祛大欲橫流塞國步已艱難天步諒悱惻

再答無量併寄禹生

蔓結高薨尚有陰夥願居室况沈沈苻離但博元戎斲  
京兆寧知諫議心天上欖槍何日没人間機事本來深  
未能照寂通禪悟那悔從初效越吟

來詩有枯禪坐道  
阿僧劫末世惟存

不忍心句禹生前寄詩則云遲年  
為政商迂滑早歲從亡更苦辛

無量和詩亦感時事因再和之

綢繆不定迨天陰此日風多響又沈我恨霽雲猶有矢  
人言叔寶久無心試拈著草時多晦載聽鳴琴道未深  
說與潛夫歸計早詎忘茗霽濯纓吟

滬輪中寄精衛并別滬上同志

倒用鶴亭閣中見  
夢韻

揮手出門去慷慨雜悲惻將去行復止欲吐語仍塞豈  
有事萬難而須喙三尺阿奴利火攻同氣重相迫盡瘁  
不足云讒言交四國昨日杜陵翁城南望城北天道縱  
難知民勞願小息相去一水間如之何勿憶

溫



養疴香港赤柱灣再倒用前韻寄大兄  
御風列子狂擊汰靈均惻達者無所需斯道不變塞奈  
何穀中游斷斷爭寸尺海隅屋可借風濤詎云迫俗未  
離華夏地喜邇鄉國培芳南山南伐翳北窻北愧予心  
難齊欣佳取暫息故人期不來江湖耿相憶

除夕三用前韻

歲如赴壑蛇昔人詠以惻韓公更多事爲文送窮塞未  
爲衆生憂俯仰愧尋尺示疾如維摩喻近詞亦迫繞朝  
苦用秦得臣猶在國除舊欲布新轅南豈轍北且起祝  
祥和但願干戈息誰唱望江南鍾山尤所憶

次和無量游廣州歸舟口占

羣雲繁積歲方陰太息忘機陸可沈齊客欲言三宿事

魯連早有不臣心風潮為爾歸舟便簪紱憐渠要路深

投閣本來子虛語解嘲何事託長吟原作有出畫每追三宿憾句又舟中

偶成云醉引長謠暫解嘲

送蘆隱行四用前韻

昨日不足留今日不足惻民聽亦易聾誰能挾其塞宛

送毛祕校君能挾其塞尼父九仞山杜陵功一尺杜句一簣功盈尺相遇

非必疏相見寧由迫長安多佳麗傾城與傾國獨有海

濱人所思注東北借杜句歸舟乘長風物冀吹以息壯往

溫

無復難那為兒女憶

寄毅鶴

五倒用關中見夢韻

詩人愛青山謂可洗憂惻

杜詩青山自一川城郭洗憂感

溯回從中央

蒼蒼蒹葭塞

杜詩渚拂蒹葭塞

千里送書來鯉魚長一尺曰余

病未能兩賢豈相迫有酒勸長星無人思蜀國但喜一

官遷誰羞三戰北

荆文詩三戰北不羞一官遷輒喜

崢嶸竹數竿平生

知憇息

杜詩平生憇息地必有數竿竹

舊筆時復援問君何所憶

感事

六倒用關中見夢韻

近畿苦被兵遠道聞者惻砲火中宵來奔避夷場塞可

憐百萬家去死不踰尺忍辱為廷議開情致崩迫

杜早行崩

不圖室言金 卷十  
迫開詞客且哀時將軍誰活國我舟維自南我馬嘶向  
其情詞客且哀時將軍誰活國我舟維自南我馬嘶向  
北無時畢憂虞況計燕居息陳意豈必深回首龍池憶

杜詠懷回首蛟龍池  
又云意深陳苦詞

捷書 七倒用闌中見夢韻

捷書晝夜同破涕心猶惻致寇者誰歟烽烟五月塞桓  
桓蔡將軍拔劍爭地尺部曲殊死戰天驕不敢迫軍興  
二十年此役真衛國義聲鏢西南奇恥滄東北咄哉婁  
敬輩隱忍承鼻息和親本無策覆轍當自憶

兵退 八倒用闌中見夢韻

寇深君若何兵退衆心惻春申嗚咽流螢尤寒空塞彌

退

欣

月抗戰功棄之乃咫尺肉食三千萬借工部昔游句呼援任哀  
迫為敵實忌才相視如異國守地輕東南營構重西北  
歡盟何由成攻掠矧未息小雅有采薇今人多不憶

壽鶴亭董卿六十

兩翁同是名家子江左風流見一斑別後聰明當益健  
憂深懷抱不曾閑故人各以詩為壽大隱何煩藥駐顏  
猶有鶯花堪共醉劍南萬首莫須刪

劍南句小市鶯花時痛飲故宮禾黍亦閑愁

題歲寒三友圖

集曹碑字

雨葉與風枝人間寧有異嵯峨歲之餘相守乃同志

不...詩少

七

不園室言金 卷十  
鶴亭至揚州為董卿置酒疊前韻再寄兩君

東坡淮海相從久此日真憐鬢未斑南渡詩家多壽考  
過江名士半忙閑綠楊繞郭堪留客紅萼依人亦破顏  
草長又逢三月暮借董卿去年和樓韻句清愁如草可曾刪

書事

九倒用關中見夢韻

黍離麥秀歌半為狡童惻一姓不再興頑民謗易塞況  
當官天下得尺非王尺何物兒皇帝熏穴求之迫曾以  
夷亂華猶曰舉廢國韓亡三十年席捲滿南北豈無張  
與劉邦昌羶附偷視息可憐凝碧池右丞徒悲憶報言始贊  
儒命之鄭某近亦悒憤不逞

溫

集曹碑字荅董卿書

故人千里致魚書為道長安不易居

書言以長安居不易遂返揚州畢

竟揚州風景好二分明月近奚如

述哀

集曹碑字

述學相從百不如年時風雨感離居元明早有山中志  
後死徒親孔子書

平生敬禮父師如嶽嶽南雲歲不居方藥罔為君續命  
儒門寧有事親書

親仁好士世無如謀國功成復不居七十餘家趙文子  
分金仍拜歲除書

不圖言金 卷七  
扶疾憂心季所如時賢馬恤好家居為歡三月歸鄉計  
不及相望有報書

三疊刪韻寄酬董卿

窮巷招邀到歲闌屐痕猶記點苔斑士矜晚節投時嬾  
天愛詩人與境閑書欲白余心上事酒能朱爾鏡中顏  
竹西佳處憑重過俊賞成吟未許刪

大厰寄示避難清明二詩十用前韻和之

不因耳目異始覺心脾惻昨日錦繡場今為敗瓦塞粵  
人好聚居韋杜去天尺萬室被瘡痍一士苦東迫行路  
欲斷魂逡巡如去國難得五千卷燼餘猶巷北我知窮

溫



居士喜極翻歎息時無飯顆翁全盛開元憶

附原作

避難寄呈延翁

平居有所思一旦吁可惻已覺鄰里空復被老穉  
塞去去何所之階前誰假尺烽火竟連天驚病更  
相迫棄物等棄年守家如守國叢殘望望然委之  
窮巷北無衣亦嬾賦無肉苦弱息獨抱杜陵詩亂  
離重君憶

元美書來爲雙親生日徵詩因次書中語寄壽鶴

亭

海鶴風姿藹藹春文章尤喜性情真寫經歲歲能祈福

話荔時時不受塵鶴亭有寫經話荔兩圖生日相同懷舊德鶴亭生日

與巢民先生同名園無恙屬詩人水繪園久易主前年鶴亭始贖回烟霞作壽

誰仙筆鮑葛羅浮定與親

東佛成先生 十一倒用闌中韻

觸處無好懷既事有餘惻聒而與之言無旒耳亦塞豈

有千丈清不如渾二尺后山次蘇公西湖觀月聽琴師句信有千丈清不如二尺渾師

出行何遲寇來勢已迫父老哀無家諸侯去其國歐池

水湯湯戈船幸未北艱難孰挺身存亡爭一息折屐阻

投鞭碁罷東山憶

溫如

董卿三疊韻見和即簡奉酬

已嗟京洛流塵暗尤念江湖別淚斑紅藥橋邊為誰好  
白雲嶺上與人閒頻年為客滋多感一月無詩輒強顏  
不怪因循吾事落春秋斷爛有時刪

又 五疊韻

十里東風載酒還郎君未貴彩衣斑道園肌理淵而麗  
務觀文章老更閒欲語林塘重回首荆公寄友人欲相  
語林塘迷舊徑相  
投珠玉一開顏著新吹萎寧無意休學禪門綺語刪原作

有治春浪語  
逐年刪之句

又 六疊韻

唱酬我憶陪諸彦文采猶窺豹一斑未見求田隨俗好  
卻從擊壤獲身閒冶城空復思王謝北海何曾擬孔顏  
紫鳳天吳等兒戲祇因哀怨不能刪

來詩有手拆波濤移曲折句指集字

詩

十里東風盡  
不對因前  
不匱室詩鈔卷七終

溫如

不匱室詩鈔卷八

番禺胡漢民展堂甫

失題十二倒用闌中韻

不見管夷吾楚囚相對惻晚有小兒輩江淮流未塞誰  
 擲一丸泥不顧法三尺寇至則先去處此云實迫古人  
 城下盟垂死羞其國今人壁上觀佳兵無南北割地使  
 者還抱火權門息太學再上書少陽堪復憶劉平國寄  
潘子善詩

敘云陳少陽率太學伏闕上書六賊遂退少陽猶以後  
 書不盡用拂衣去近傳太學伏闕書是歟非歟非山間  
 林下所得知獨怪朝廷不用其言諸君猶苟  
 安於學豈以靖康時事視今日緩急異耶

喜鶴亭董卿兩翁從揚州來并寄懷大厰居士二

首十三四疊

為竹尚能斑語工而情惻

居士和斑字韻有淚深成竹尚能斑語

詩老來

何稽觀者道為塞知無用力處光芒放萬尺既感故意

長轉憂吾壘迫去年白下吟抗戰如敵國迤邐春冬花

江南又江北不敢語肺肝惟勸好將息南食故多奇東

事未斷憶

歐陽寄聖俞為問詩老來何稽迎兩翁新聞記者遮道問木蘭荅以詩人冒

余遣木蘭

鶴亭吳董卿也

李泰伯書松陵唱和詩外應無用力時

風吹海水狂江湧涕洟惻古來磊落人往往歌抑塞氣

骨疑無偶崖岸可千尺獨於友朋親不為時利迫明月

在揚州紅豆生南國相攜入我廬此際無南北朝誦雙

溫

鳥詩暮感羣動息居士期弗來風塵相望憶

寄大凡十五疊

詩人深於情觸事易感惻匪無衡霍期常恐道路塞欲  
飛病在床有羽不盈尺風雨晦復明宇宙隘而迫塊獨  
處窮愁兩無益家國惟有相懷句時時傳自北恨竹淚  
已滋憤濤流未息嘗作廬山吟今更羅浮憶

寄鶴亭十六疊

羅浮一道士幾度滄桑惻玉堂望既遠桃源路未塞蛺  
蝶大如輪丹砂量以尺知君好名山因之游興迫便佇  
寄新吟奚煩挈仙國黃冠各西東帶甲尚南北感感瞻

四方擾擾何時息鮑葛有預期我詩君定憶鶴亭往羅浮以伍叔

保繼陳子礪為家持也數年前陸徵祥在瑞士從天主教為僧侶

董卿先行留詩誌別即和二首十七八疊

吳翁先別我清詞蘊深惻但祝萬彙寧不計一身塞徘徊出路歧黽勉就繩尺昨怪來何遲今嗟行太迫慷慨勿憂時文章終報國莊說將圖南孫言仍夢北可期詩思昌庶幾塵慮息江南多故人道我常相憶

我以文為詩難盡所慨惻前沈後不揚本拔源亦塞賜廬孔三年交聞文十尺歷歷情偽殊耿耿憂患迫尼父欲居夷屈原寧去國百粵古揚州君行轍且北贈言如

溫



欣

古人匪懈增惕息董卿詩有匪懈爭一息句再來定何時有懷依舊

憶

董卿再辱和賦此送行十九疊

自非太上人會合離斯惻文章感性情治道辦通塞於

陵祿萬鍾淮南布一尺骨肉有時乖富貴何從迫獨有

同心言能輕萬乘國室本無遐邇行豈間南北為我立

斯須期君好栖息低筆容可和此意吾能憶歐陽病中代書寄聖

俞少低筆力容我和無使難追韻高絕

鶴亭始以蒹葭里館詩見贈誦竟題後卻寄三首

二十廿一廿二疊

且辨行樂耳餘事何足惻避名意則那畏謗氣先塞君  
乎鬢未斑鶴也髯過尺官事癡兒了詩陣彌天迫五字

盟歲寒三年夢京國同聽江海謠北人仍自北梅酸與

陳苦世變探消息何處著青山舊吟君自憶亦知萬事不掛眼且

辦行樂餘何嗟忍飢畏謗意常塞避名藏影心仍遐皆

集中句又江海謠北人自北南自南論詩梅酸后山苦

讀宋人詩何處 青山著病翁

大雅幾蹉跎餘生足涕惻業盛采自韜氣壯境徒塞邇

來又十年積稿當幾尺癯鶴最知君我從索之迫祕笈

發東皋明珠來海國梅堅而歐腴朱南或宋北苦留清

音在日盼欖槍息竺橋有真賞不作六朝憶集中句大

溫如

欣

微生餘涕連韜采蓄盛業境塞氣彌鼓讀宋人詩梅翁  
堅瘦醉翁腴論詩何時洗機槍又苦留山水清音在竺  
橋見杏花卻緣幽寂逢  
孤賞忍為繁華憶六朝

詩惟窮者工歐為宛陵惻君意故不然平生此語塞中

苔瘦湘平生遐想在空山奇樹二千尺襟詩空山有奇樹獨立二千尺

善葆歲寒姿肯受輿臺迫同上能能廟堂行吟祇自賢

呈召南采蕨不盈器肯置輿臺宅談笑能規國借用四疊刪詩河梁後

和澤山阻風詩荅立之句愁食江淮北淮南道中江淮雲物一酸

到河梁竟可刪歲晚愁民食辛河山餘喘息借用送游登州及鎮巢鶴歸豈遲並游

城南憶

曉生言鶴亭入越城感愴昔游詩以訊之廿三疊

不盡室詩少

廿三

不圖室詩金 卷八  
兒時釣游處經過重喟惻寶曆幢尚存玉帶渠已塞官  
隄新植柳垂絲丈有尺填海非冤禽鞭石程功迫關心  
中原人話舊南漢國亦知五都市惟此冠南北財賦豈  
獨雄所重在生息微言聽者誰謾與他年憶

寄鶴亭羅浮廿四用前韻

東坡游羅浮風雨感淒惻崎嶇掇松黃千歲願未塞惟  
說山中人庵前足二尺越嶠真君家何有歸期迫攬勝  
四百峯放懷古詩國蓬萊浮海至那復分南北掀髯鶴  
不孤牽蘿人暫息瀑布孰多奇匡廬去年憶東坡同游  
及栖禪精舍崎嶇拾松黃欲救齒髮弊坐令禪客笑一  
夢等千歲又寄鄧道士詩引云羅浮有野人相傳葛稚

溫如

川之隸鄧道士守安山中有道者也嘗於庵前見其足  
跡長二尺東坡句越嶠真吾家董卿詩云敢云游興關  
但苦歸期迫杭董浦酬何監州粵海古詩國照耀天南  
睡東坡次韻劉景文想見掀髯鶴正孤屈翁山羅浮雜  
詠餉客惟朱草  
牽人是綠蘿

讀鶴亭羅浮十詠廿五六七疊

登虬客不從獨往君無惻低昂十首詩盛恐鴻濛塞羅  
浮幾百峯峯峯任裁尺空愛鐵橋橫壘詫石樓迫醉酒  
酥醪天留庵衆仙國牛放乍見東虎伏應在北觀瀑熊  
魚兼坐石心意息骨重更有肌論詩事可憶

往遇登臨佳輒動興廢惻九天何巍奐遺址久榛塞而  
况滑石前一落千萬尺多年墮塹深一老守陴迫古松

不圖室詩金 卷六  
如周遺白水爭霸國初地心利鈍虛舟江南北惟君喻  
多奇於余感不息兩合無傷離名言尤繫憶  
聞君說羅浮我亦生愧惻譬如介然路為間即茅塞羅  
山與匡山相差幾百尺一歲成兩游校衡殊不迫而我  
避海居行不到山國因尋故人歸未泝湏江北自詡腰  
脚頑差許塵勞息清景盡君詩那復費摹憶

怕聞人說羅浮亦俊語也

黃梅花屋主人謂最

鶴翁五贈詩有多言之規適大凡居士寄贈印章

二方一鐫不匱室主人默印詩兩酬之廿八疊

貽我印二方奇字寓隱惻多言蘇懼呵因病韓喜塞不

退

見古時人動得謗書尺鶴翁亦同誠謂傷辭氣迫感謝  
故人意憂我如憂國日月易西東山河可南北不能弟  
少游何敢俟新息顏路各有贈董豹當互憶

仍用前韻送鶴亭先生二十九疊

平生換淚交將別更惻惻口既戒三緘手若觸四塞作  
達夫豈殊天涯亦咫尺惟此執手間無奈中情迫隱或  
寄公朝借荆文草堂句鶴難留故國輪蹄意在東坎井寧逐北  
何止愛詩心到老未能息風雨送君行息壤盟當憶

后山贈智叔三賜韻江山故國難留鶴又酬智叔  
見贈逐北我方填坎井

題會澤朱氏雙節撫孤圖三十疊前韻

傳世視丹青可歌先可惻姑事已至難婦遇尤酷塞難  
實構兩家孤誰託六尺兒出倚閭愁兒病呼天迫三世  
繫一身雙節聞全國故事有汪洪徵題徧南北今人豈  
不如時衰道未息持示無母兒觀閱終身憶

寄冒孝魯哈爾濱三十一疊

仰祿而離親昔人所常惻況於萬里外陰氛海隅塞持  
狹匪願奢枉尋馬直尺日感氣類殊忍爲衣食迫我聞  
左史教違不適讐國豈如詩人言無罪投有北老父幸  
慈愛愛不以姑息斂版更扶犁此味放翁憶

劍南子聿待次甚遠寄詩寬其意但令父子常相  
守斂版扶犁味總長



飲

寄董卿三十二疊

執袂劇歡言擊楫深喟惻

辱贈有擊楫發深喟句

挽子奚不能有

梗喉若塞歐陽慚呼吸山谷恨寸尺不聞垂索艱但說

歸舟迫冒翁善解嘲謂余方憂國懷人又風雨看山自

南北賃無要明時

借集中葆之寄詩續成句

養生貴深息大雷有妹

書因便寄吾憶

歐公別後奉寄聖俞知之莫余深力不足呼吸山谷贈秦少儀挽士不能寸推去輒數尺

夜與鶴亭談詩晨起以惻憶韻記之三十三四疊

古詩三百篇其人多怨惻觸物有所興因事通其塞後

世未喻此求文鮮得尺逐好如稍工失已徒窘迫魏晉

始名家齊梁等亡國昌黎述李杜衰實起南北宋賢胡  
取尊為有真氣息道喪皆言空論詩宛陵憶宛陵答韓  
子華兄弟

述詩邇來道頗  
喪有作皆言空

意既取雄深情亦愛鬱惻悠悠中心言浩浩兩閒塞但  
願大裘長不慕美錦尺金陵與宛陵閑肆故不迫廣陵  
與同時尤足霸其國西崑長慶徒至此悉奔北獨歎歐  
蘇才猶以六月息韓孟角益工盛事千載憶

鶴亭來時苦旱居民爭水觸目皆是及將去十日

雨不止憂如去年東南水災事三十五疊惻憶韻  
雨暘惟怨嗟小民生可惻負汲趨官泉瓶罌周道塞朝

溫如

來喜相告一雨水添尺取之雖有禁令不如前迫我誦  
河渠書導始秦魏國奈何今不脩歲旱報西北反顧東  
南區又望淫雨息霖魃俱爲虐孰堪去年憶

爲韶覺重書暨南大學致遠堂聯楹三十六疊前

韻

爲君重作書北顧我心惻滬瀆文化區幾月兵戈塞學  
舍摧夷盡況此書數尺寇去仍之他行成由誘迫僑民  
一千萬強隸憎帝國失地聞可復輦金送南北子弟易  
成才吾望終不息斯堂燬再興留取後時憶

原聯集曹碑字有華僑子弟易成才語

祝

不學室言金 卷八  
鶴亭瀕行有贈木蘭詩故意深長不能無和即次

原韻

卅載從知氣類親  
巷南巷北昨為鄰  
豈嘗藥餌屈兒輩

未有綈袍遺故人  
后山荅黃生綈袍不受故人意藥餌肯為兒輩屈木蘭曾以丸藥治鶴病

丹荔離離君又去  
木蘭唧唧或非倫  
去年鶴亭見懷有生女勝男今始信

木蘭唧唧阿爺前  
左家有妹吾曾識  
相見揚州話苦辛

附原作

贈木蘭

鶴亭

到此真逾骨肉親  
而翁風義世無鄰  
未嘗龍眼猶留我  
只是猪肝太累人  
後約定然煩地主  
諸雛差

溫

各慰天倫皇乾朗朗終開鑑絕徼荒山兩苦辛

送漢崙往廬山三十七疊

暫游期速還意兩忘歡惻了知淞滬間無復戰塵塞長

風八百里匡山五千尺我病卧海濱亦厭世語迫荆文示元

度老來厭世語五老當啟齒瘡痍問鄉國廿年夢香爐

恨不從爾北歸慰堂上慈行喜中道息負米且讀書無

使老人憶荆文我所思寄黃吉甫五老聞之當啟齒

送梯雲北游三十八疊

壯君乘興游那復臨歧惻桂林山水多京洛風塵塞此行路幾千期報書一尺回頭十五年津橋出走迫君家

欣

有甘棠遺愛猶在國胡舍南海南忽念北都北河湟劫  
衆口苻離酣斲息博望奉使還往事可成憶

大厰居士為校正拙稿精勤無比三十九疊奉謝

言醉不及狂言愁不及惻強記故多通深詞惟百塞士

舊有百澀詞心萬事可不理居士書來系涪翁一語跬

步安矩尺胡獨好我詩夏日校讐迫謂嘗有同嗜廣陵

與荆國聊此共朝昏不問車南北杖策事如毛何處堪

散息荆文成字說後詩據梧杖策茅臺一樽酒猶得繫

君憶去歲在都以茅臺酒分

謝大厰居士贈山帶閣集佳本并以寄懷四十疊

溫如

似

精和要有在用情無過惻文簞供卧病蕉葉傳憂塞贈  
 我射陂詩媵以琅玕尺朱明中葉後亦遭東寇迫一篋  
 留湖州非時訟島國行道獨謳歌知音愧南北涕淚灑  
 洛陽風塵冀稍息不有子山哀何事宜城憶山帶閣集還涇上園  
 文簞香床供卧病早起蕉葉能傳病裏情又亂定還家  
 志感倭奴全不知天道盛夏元非斬伐時又天公似肯  
 憐糜竺留得湖州一篋書贈吳之山獨出歌謳行道中  
 冬夜寓館江南江北愧知音環樓言懷涕淚感洛陽贈  
 盧冠巖風塵湏洞似稍息郭山人重宿朱干草堂有作  
 次韻驚時不作子山哀樓上感朝雨蕭條忽憶謝宣城

答大凡見謝言詩之作二首四十一二疊

居士評余詩言言身世惻云胡不作達此問未渠塞嘗

歎飛將才對簿苛三尺亦喜程將軍強寇憚相迫

昨答論詩

函謂少小讀史即慕飛將軍之為人然亦不敢詆程左  
不識不值一錢故所作常在放縱謹嚴之間云云

祖故為劉中馬思立國大敵縱當前吾戰終不北所欲

歐蘇繼無令孟韓息誠齋詠胡英彥得歐公二帖  
詩向來孟韓息不有歐蘇繼嫡派

惟三陵快語從今憶去月為鶴亭言客有問宋詩者答  
以無過三山三陵指山谷半山后

山宛陵金陵廣陵以其皆  
杜陵嫡裔也來詩適相合

歡娛本難工況自多愁惻以詩為驅愁投膠巨流塞又

如學道人魔高道一尺示人面目真不覺肝肺迫亦願

和其音與適彼樂國晉臣馬欲東楚尹轅未北戎狄豈

有親乾坤幾乎息寧為無病呻聊且報君憶

次和鶴亭讀楊誠齋集

溫



飲

韓杜縱橫兩宋前不因俳語累佳篇詩家何事矜持甚  
老境從渠近自然

昔日東坡評讀去半山老狐精喻豈相謾誠齋亦有通天

技雅俗拈來並不難

原作附誌云近來讀誠齋集詩胆忽大覺無不可  
作之題無不可說之話一反從前矜持愛好之心  
不知是進是退或將流入江湖派耶答書言當由  
老境自然近之昔東坡一語則誠齋乃老狐精非  
野狐禪也

又和二首

信手方圓後勝前枯腸雷轉幾多篇向來識得淵明苦  
舊翫生新不偶然

不圖室詩金 卷八  
誠齋和朱叔正契及南海集之句古人信手斷出  
圓中秋不飲枯腸雷轉不禁搜讀淵明集舊翫出  
新妙又向來心獨苦

誠齋人謂似香山我識其非忍子謾一是有心求淺近  
一將餘勇破艱難

大尸居士夏日獨游兆豐園坐印蓮池畔有律見

懷即次原韻

摩訶池畔尋詩好其奈相懷百歎嗟摘句猶傷六朝事  
閉門先負一春花漫蕪天下功何有詰曲吾行道本賒  
讀靈可充新藥物攤書重理舊生涯廣陵耒問鐫詩天  
下方漫蕪爾功亦  
何有來書摘朱射陂六朝文物又斜陽句  
謂極堪尋討又云長日讀靈藉治胃疾

溫如

飲

附原作

夏日獨游北豐園

大石

獨行應不悲孤絕青熟紅親亦向嗟今日可憐一  
竹杖西方如是萬蓮花共鳴眾鳥喉何苦自鍊深  
詩誼更賒起望鄉隅知太熱清涼舊賦惜無涯

再次韻寄大石

揚子江頭剛送客印蓮池畔獨興嗟試思何苦同羣喙  
為報無慙對此花一飯且從吾黨說借山谷句百憂疑較昔  
人賒已知契闊愁心處不是山巔是水涯

三疊韻寄大石

蘇東坡詩少

世

不圖室詩金 卷八  
一年寂寞常來處怪得行吟觸所嗟池水亦知干甚事  
污泥終不染於花故園松菊存猶幸敵國旌旗去未賒  
曾是欹眠同白下幾人攜手又天涯

四疊韻寄大凡

長日邱樊宜倦客摧藏抱膝子何嗟論兵空見諸營柳  
覘國偏聞十里花印喜規予相與默酒能謀婦不須賒  
從來未作齊梁夢一望鍾山意靡涯

次和鶴亭山居五絕

獵較畫墁何所事斂情約性又成吟歐公三上吾從一  
怕學陰何苦用心

賦詩

溫

似

入局當求最後贏有時抗戰獨嬰城此碁究竟嫌專制

祇重將軍不重兵

象碁

抽球容易壓球難兒戲公然探白丸巧手要衝羅網出

高騫曾試落荒寒

球戲

天人參半客忘形往復橋行要不停亦似方圓社中事

西來歲歲說碁經

葉子戲

義獻蒙譏趁俗姿奴書不解更當筮十年買菜非求益

只寫曹全一個碑

作書

自注山居圍碁無對子者故兩枰寂然鶴董兩翁來時日常數局皆象戲耳故改作以紀實也

附原作

山居五絕

鶴亭

謝傅治城常擁鼻葛侯梁父亦長吟須知方寸論

思地都是憂時匡濟心賦詩

一局分明我要贏忽然著著困危城好棊不用爭

多子國手須來救敗兵圍棊

一氣乾坤未是難宋人有畫太祖太宗與趙普擊球者名乾坤一氣圖坐看

日月走雙丸副車但使留侯在常令秦皇帝膽寒

擊球

朱墨分開赤黑形袒劉袒呂要調停中原戰馬知

無用寄意西來打馬經葉子戲

温

鳳攫龍拏絕世姿紛紛義獻合鞭笞晉公不藉韓

從事異日淮西自寫碑

作書

山居近日亦頗有奕事用鶴亭韻補賦五首

鬪智原難幸致羸笑人祇自壞長城老坡眼底無成敗  
小范胸中有甲兵

各以封疆計縮羸攻如長弩守堅城敗碁終是失先手  
強將何由有弱兵

一枰笑博紫囊羸爭道何人怨冶城折屐歸來才快意  
東山絲竹未忘兵

拌得千輸博一羸曾聞衆志可成城關河寸寸傷心地

付與癡兒不用兵

蛛絲蝸甲算輸贏一子當關抵百城何意窺江湖馬去

盈廷從此畏言兵

大戶居士以次韻王廣陵暑中二律徵和詞旨深

微率爾從步未能稱也

暑中嬾出

誰令暴日獨飛揚爍熠當空未可望七月但占流火熱

幾人曾共舞雩涼竟無雷雨能蘇氣最是炎蒸易毒腸

一事不為猶汗出終朝對食只旁皇

杜句炎蒸毒我腸

溫



暑熱思風

執執莫如荷戈士窮年不洗苦其曹客疑杜老何由歎  
我會淵明所謂高豈必禽窮能自拔倘求蟬飽恐徒勞  
獨居未作乘桴計忽復移情海上濤

廣陵苦熱禽窮自拔毛杜有夏日歎夏夜歎

再得二律

暑中嬾出

用暑熱思風韻

大地控搏惟有熱故將餘熱試吾曹醉鄉正恐難為避

誠齋月下果飲

醉鄉堪避暑 卻掃斯時未足高有手盍提天下往此

心猶念夏畦勞何人不怕昌黎訕鼯睡公然猛作濤

昌黎

潮軒睡猛  
作濤翻海

暑熱思風 用暑中懶出韻

鮮飈肯逐暑雲揚  
賈勇霜刃暫不望  
一度披襟成諷詠  
千回坐砌憶清涼  
炎義詎願恆斯日  
冰炭無能置我腸  
丞相近前同炙手  
況教酷烈怨秦皇

昌黎納涼聯句賈勇發霜刃爭前曜冰漿蓋謂風驅暑也

和王廣陵暑熱二律後忽大雨連日不止次前韻

寄大厰

六月南方苦無雨  
翻盆乍見走兒曹  
風能屠熱水皆立  
雲但塞空天不高  
傷此間閭何所庇  
問誰戶牖忍辭勞

溫如

杜陵亦恨蓬蒿長可慣喧豷到枕濤

祇愁金氣盛荆揚三日為霖過本望去馬來牛將莫辨  
朱炎白谷早生涼所思行潦誰通信不遇淋鈴亦斷腸  
功罪兩難說真宰作隄捍水始皇皇

老杜苦雨寄隴西公所思礙行潦九里信不通

雨中感大厰居士印蓮池畔第三詩意更和一首  
南朝一笑金蓮出曾使人間粉黛嗟天竺幾時貽此種  
漢嘉去歲恨無花偶來濠上人何獲如坐翠微君更賒  
求益便非能作達有涯原自愛無涯

放翁同何元立賞荷花紅綠疎疎君莫歎漢嘉去  
歲無荷看

再讀誠齋集寄鶴亭六首

正變風居雅頌前漢人樂府盡名篇區區雅俗論高下

話到誠齋一爽然

受業初參王半山

用本集荅徐子村談絕句句

平生焉得不吾謾晚

唐自是兩家祖落盡皮毛此境難

苦學他人悔以前猶云瑠碎坐詩篇

湖天暮景瑠碎肝脾只坐詩

昌

黎老去思平淡舊稿焚時想亦然

道破歐蘇初挾山

胡英彥得歐公二帖挾山初作難破竹忽乘勢

個中甘苦定

非謾模稜中立吾何敢容易看來到底難

滄海橫流孰敢前蘇黃以後少長篇簡齋最與誠齋異

溫如

况

持問疾齋然不然

那得相逢飯顆山流傳贗鼎只成謾謫仙人語應忘世

嶺道何如蜀道難劉後村謂誠齋也近太白

八月七日集王荆文句二首

但知瓢飲是生疑德八功水正合菑川舉國推送彥珍獨往便

應諸漏盡平甫游金山次韻脫身難借羽翰追汜水寄父關河舊

路頻回首高魏留俎豆平生卻少知次韻酬子欲寄微言

書不盡欲往淨因寺寄持國士才如此豈無時寄闕下諸父兄弟

乞得東南病更侵酬裴晦留犁撓酒得戎心次韻平甫喜唐公自契丹

歸且開京洛蕭何第謁曾魯公誰和南山白石音寄余温卿糟粕

所傳非粹美讀史瘡痍猶在豈謳吟次韻張唐看君別後  
行藏意和昌叔懷揭厲安知世淺深答劉

又集荆文句二首

談笑難忘欲別前別葛君卻疑身得舊山川春羌兵自此

無傳箭和蔡副腹地他時兩受鞭高魏嚼蠟已能忘世

味示董射熊猶得夢鈞天次韻酬宋鍾山北遶無窮水

故未泛江湖范蠡船魯公重江應亦畏風波送孫立之

使指將如我病何酬冲卿區區豈盡高賢意讀史處處相煩作好歌示俞遠欲報君

羞強聒次韻宋未應回首顧張羅詳定黃塵欲礙龜山

玘其二

温

出

和吳御史想像乾坤發興多

題友人壁

已有

四十三用惻憶韻

已有歧路傷更爲染絲惻本心非不明物慾使之塞睥  
睨一世間搶攘纔數尺近盟亦可寒強虜終見迫安得  
快恩仇而能活邦國怒然歧首蛇兩欲馳南北雖遇昌  
黎俠仍就籠中息沈何異去反成事孰堪憶

不匱室詩鈔卷八終

不測室言金卷八

行三言

悅

公

烟

市

温如



校記

校讐之事大矣遠若中壘家法參善改譌除復著篇每  
云已定殺青可繕寫其慎之至自版刊盛行而魚豕滋  
甚晚末思誤輯佚遂以名家居士 獲落無所成就比于  
同人集商重刊不匱室詩集林煥翁義承斯乏而命居  
士為之理董傳鈔精書槧木胥有待于覈校而室主人  
且沖抑不自滿益令斟斟字句而務使之安則更皇皇  
如也第方之古所謂讐校始不侔亦厘正手民之譌啟  
而已然惟有一小節宜禠者其中徵引釋注是矣原夫  
主人所為詩幾無一字無來麻其標舉作意或發摛義

惟者多主人手記若唐宋人自注之例他若贅錄所采

摘融會昔賢詩語而又輒未易憶及者則居士于校核

之餘就所知間為拈出以媮讀者緝帑之勞非主人意

實亦不違其意云爾若讀王諸作所擷取者除有持義已自紀外餘皆範于荆文集中分

注嫌累別載拙輯老學長如皋冒疾齋嘗于不匱室中

誦居士謂使事不宜過僻此後恐無人為汝詩作任淵

李壁者時主人亦笑頷之茲之役亦動于彼時之一機

也爰附志之剖氏斷手因記如右程工計亦已五閱月

矣二十一年十月大凡居士校數記

退如

温州府 府 印 公 印

